

# Powšitkowne WOZJEWJENJA

njedźelu, 19. januara 2020

## Jubilejny swjedzeń swjateho Bosćana w Chróscicach

Předsydstwo Bratstwa swjateho Bosćana přeprošuje wšitkich na jubilejny swjedzeń swjateho Bosćana składnostnje 600. róčnicy bratstwa pónđzelu, 20. januara, do Chróscic. Swjatočna Boža mša w 9.00 hodž. we wosadneje cyrkwi budže z biskopom Heinrichom Timmereversom, duchownymi Budyskeho dekanata a dalšimi měšnikami. Kemšam přizamknje so přikus w Hórnikowym domje. Swjedženski nyšpor z procesionom po wsy budže w 14 hodž. Po nyšporje w 15 hodž. změja člonojo bratstwa na farje swoju hłownu zhromadźiznu. Hižo na předwječoru swjedženja njedźelu, 19. januara, budže w 17 hodž. swjatočny nyšpor we wosadneje cyrkwi a procesion po wsy ze swěčkami ke kapalce za padłych Prěnjeje swětoweje wójny, kotraž so po ponowjenju znowa poswjeći. Wěriwi ze wšitkich serbskich wosadow su přeprošeni, do Bratstwa swjateho Bosćana zastupić.

## 40 lět Don Boskowy dom we Worklecach

Dekanatne dušepastyrstwo we Worklecach přeprošuje wšitkich zajimcow a dobroćelow na 40lětnu róčnicu Don Boskowneho domu, a to na patronatnym dnju pjatk, 31. januara, do Worklec. Započatk je we 18.00 hodž. z Božej mšu we wjesnej kapalce. Přizamknju so domyswjećenje, mały přikus a bjesada.

## Předstajenja noweje hry Bratrowstwa

Dźiwadłowa skupina Kulowskeho Bratrowstwa předstaji swoju nowu žortnu hru „Namrěwstwa dla zawrjene“ njedźelu, 26. januara, w 17 hodž. w Šunowje a njedźelu, 16. februara, w 17 hodž. w Radworskim hosćencu „Meja“. Terminy dalšich předstajenjow w serbskich wsach so sčasom wozjewja.

## Mandželski seminar

Přizjewjenja za lětušej terminaj k přihoťej na sakrament mandželstwa w Smochćicach přijimuju hač do pónđzele, 10. februara, w młodžinskim dekanatnym dušepastyrstwe we Worklecach. Móžne je přizjewjenje jeničce na nowej internetowej stronje młodžinskeho dekanatneho dušepastyrstwa [www.junges-bistum-ddmei.de/sorbisch](http://www.junges-bistum-ddmei.de/sorbisch) pod wotpowědnym terminom.

## Přednošk w putniskej hospodže

W Chróscianskej putniskej hospodže změjetaj Lukaš Novosad a Ondřej Šrámek z Prahi sobotu, 25. januara, w 19.45 hodž. přednošk k temje „Serbska a česka hudźba a jich zwiski“. K tomu předstajitaj tež někotre přikłady. Samsny dzeń popołdnu w 16 hodž. baje ćeta Monika džěćom bajku „Hłupy Hans – mudry kral“. Zajimcy su wutrobnje přeprošeni.

## „7 tydzenjow so wzdać“

Wot popjelneje srjedy hač do jutrow su pory přeprošene, zo bychu so na póstnej akciji pod hesłom „7 tydzenjow so wzdać“ wobdžělili. Přizjewić měli so pory w interneće. Link a nadrobnije informacije su na internetowej stronje [www.posol.de](http://www.posol.de) wozjewjene.